

Stap Kam Antap olsem wan Tija We I Olsem Kraes— Wan Evaluesen blong Yuwan

Olsem ol tija, yumi mas oltaem luklukbak mo skelem long ol samting we yumi gud long hem mo ol samting we yumi no mekem gud, blong yumi save helpem olgeta we oli stap lan blong bildim fet long Jisas Kraes mo kam moa olsem Hem. Aktiviti ia i save helpem yu blong stap folem ol prinsipol blong fasin blong stap tij olsem blong Kraes. Tingting long olsem wanem wanwan long ol toktok ia i tokbaot yu olsem wan tija. Jusum ansa we i stret blong wanwan long ol toktok ia: (1) wanwan taem (2)samtaem, (3) plante taem, (4) evri taem.

Afta, olsem we spirit i lidim yu, prea blong jusum ol samting we yu wantem blong kam antap long hem. Putum ol gol, mo yusum ol tul ia blong helpem yu blong kam antap.

Lukluk Nomo long Jisas Kraes

- ___ Mi tij abaot Jisas Kraes nomata wanem mi stap tijim.
- ___ Mi tokbaot fulap eksampol blong Jisas Kraes.
- ___ Mi helpem olgeta we oli stap lan blong luksave lav blong Lod, paoa, mo sore blong Hem insaed long laef blong olgeta.
- ___ Mi helpem olgeta we oli stap lan blong mekem rilesensip blong olgeta i kam strong moa wetem Papa God mo Jisas Kraes.
- ___ Mi helpem olgeta we oli stap lan blong wantem blong trachad blong kam moa olsem Jisas Kraes.

Lavem Olgeta we Yu Stap Tijim

- ___ Mi trachad blong luk olgeta we oli stap lan long wei we God i stap luk olgeta.
- ___ Mi lukaotem blong save olgeta we mi tijim—blong oli andastanem ol situesen blong olgeta, ol nid blong olgeta, mo ol samting we oli gud long hem.
- ___ Mi stap prea from wanwan long olgeta we oli stap lan.
- ___ Mi mekem wan ples we I sef blong evriwan i gat respek mo save se wanem oli serem oli impoten.
- ___ Mi faenem ol stret wei blong soem lav blong mi.

Tij folem Spirit

- ___ Mi rere miwan long saed blong spirit blong tij.
- ___ Mi mekem folem ol kwaet voes blong tabu spirit abaot ol nid blong olgeta we oli stap lan.
- ___ Mi krietem ol plan mo janis blong olgeta we oli stap lan blong oli save lan tru long Tabu Spirit .
- ___ Mi helpem olgeta we oli stap lan blong lukaotem, luksave, mo folem revelesen blong olgeta wan.
- ___ Mi serem testimoni blong mi plante taem,mo leftemap tingting blong olgeta we oli stap lan blong serem ol filing, ol eksperiens mo testimoni blong olgeta.

Tijim Doktrin

- ___ Mi lanem doktrin blong Jisas Kraes long miwan.
- ___ Mi tij aot long ol skripja mo ol toktok blong ol profet blong lata-dei .
- ___ Mi helpem olgeta we oli stap lan blong oli lukaotem, luksave, mo andastanem ol trutok insaed long ol skripja.
- ___ Mi lukluk nomo long ol trutok we bae i mekem i gat storian mo bildim fet long Jisas Kraes.
- ___ Mi helpem olgeta we oli stap lan blong faenem stret sapot blong olgetawan insaed long doktrin blong Jisas Kraes.

Invaetem Fasin blong Wok Strong blong Stap Lan.

- ___ Mi helpem olgeta we oli stap lan blong oli risponsibol long fasin blong olgeta blong stap lan.
- ___ Mi leftemap tingting blong olgeta we oli stap lan blong kam blong save Jisas Kraes, taem we oli stap stadi long gospel evri dei.
- ___ Mi invaetem olgeta we oli stap lan blong rere blong lanem samting.
- ___ Mi leftemap tingting blong olgeta we oli stap lan blong serem ol trutok we oli stap lanem.
- ___ Mi Invaetem olgeta we oli stap lan blong laef folem wanem we oli stap lanem.